

087-090 《摩訶般若波羅蜜經》補充講義

釋傳妙整理 2018/5/25

〈87 如化品〉

頁 881

辛三、示新發意菩薩法性本空

《大般若波羅蜜多經》卷 478 〈85 空性品〉：

爾時，善現便白佛言：「云何方便教誡、教授新學菩薩，令知諸法自性常空？」
佛告善現：「豈一切法先有後無而不常空！然一切法先既非有、後亦非無，自性常空，不應驚怖，應作如是方便善巧教誡、教授新學菩薩，令知諸法自性常空。」（大正 7，426a5-10）

〈88 常啼品〉

頁 882

辛二、勸誡

※聞空中聲

《大智度論》卷 96 〈薩陀波崙品 88〉：

問曰：空中聲為何聲？

答曰：

- 1、若諸佛、菩薩、諸天、龍王憐愍眾生故，見是人著世間法、一心求佛道，以時無佛法，欲示其得般若因緣故，空中發聲。
- 2、有人言：是薩陀波崙先世善因緣人，在此林中作鬼神，見其愁苦。以其是先世因緣故，又是神亦求佛道——以是二因緣故發聲。（大正 25，732, a28-b3）

頁 885

壬二、譬

須菩提！譬如人有一子卒死

《大智度論》卷 97 〈薩陀波崙品 88〉：

問曰：薩陀波崙何以愁憂乃爾，如喪愛子？

答曰：般若波羅蜜於諸法中第一實，是十方諸佛真實法寶；薩陀波崙得少氣味，未具足故憂愁。

如喪愛子，念其長大，多所成辦，冀得其力；菩薩亦如是，念增益般若波羅蜜力，得阿鞞跋致已，成就佛事。（大正 25，735, b10-16）

頁 886

※五樂

- 1、五種樂器。指琴瑟、笙竽、鼓、鐘、磬。《漢書·郊祀志上》：“修五禮五樂。”顏師古注：“五樂，調春則琴瑟，夏則笙竽，季夏則鼓，秋則鐘，冬則磬也。”

2、五種樂器。指鼓、鐘、鐸、磬、鞀。宋王應麟《小學紺珠·藝文·五樂》：“鼓、鐘、鐸、磬、鞀。”（《漢語大詞典》（一），p.388）

頁 887

※其池成就八種功德

1、《成實論》卷 3〈四大假名品 38〉：

佛說八功德水，輕冷軟美、清淨不臭，飲時調適，飲已無患。是中若輕冷軟，皆是觸入，美是味入，清是色入，不臭是香入，調適無患，是其勢力，此八和合，總名為水。（大正 32，261, b29-c4）

2、《阿毘達磨俱舍論》卷 11〈分別世品 3〉：

八功德水：一、甘，二、冷，三、軟，四、輕，五、清淨，六、不臭，七、飲時不損喉，八、飲已不傷腹。（大正 29，57, c11-13）

頁 888

寅二、明受法益

※中有受者，中有持者

《大智度論》卷 56〈滅淨亂品 31〉：

聞已，用信力故「受」；念力故「持」。（大正 25，461, a9）

癸三、答當從誰聞

※示、教、利、喜

《大智度論》卷 54〈天主品 27〉：

「示」者，示人好醜、善不善、應行不應行；生死為醜，涅槃安隱為好。分別三乘，分別六波羅蜜，如是等名示。

「教」者，教言汝捨惡行善，是名教。

「利」者，未得善法味故，心則退沒；為說法引導令出：「汝莫於因時求果！汝今雖勤苦，果報出時，大得利益！」令其心利，故名利。

「喜」者，隨其所行而讚歎之，令其心喜；若樂布施者，讚布施則喜，故名喜。」（大正 25，445, a20-28）

頁 891

辛一、作念賣身得財供養善友

※我若空往喜悅心不生

《大般若波羅蜜多經》卷 398〈常啼菩薩品 77〉：

我定不應空爾而詣法涌菩薩摩訶薩所，我若空往自喜不生，何以表知至誠求法。（大正 6，1062, c4-5）

頁 893

辛四、菩薩歡喜自割血肉相與

※得大利，得第一利

《大智度論》卷 98〈薩陀波崙品 88〉：

- 1、大利者，阿鞞跋致地；第一利者，是佛道。
- 2、大利者，五波羅蜜；第一利者，般若波羅蜜。
- 3、大利者，般若波羅蜜；第一利者，般若波羅蜜方便力。
- 4、大利者，菩薩初地；第一利者，十地。
- 5、大利者，從初地乃至十地；第一利者，第十地。
- 6、大利者，菩薩地；第一利者，佛地。」（大正 25，742, b18-23）

頁 897

辛六、父母隨喜為法精進滿其所願

※為諸佛法故如是精進，我等云何當不隨喜？是女為供養曇無竭菩薩故，得蒙聽許，報父母言：「我等亦隨是心歡喜，我終不斷人善法因緣。」

《大般若波羅蜜多經》卷399〈常啼菩薩品 77〉：

「…為欲證得諸佛法故，我等云何不生隨喜？今聽汝去，我等亦欲與汝相隨，汝歡喜不？」女即白言：「甚大歡喜！我尚不礙餘人善法，況父母耶！」（大正6，1065, b13-16）

頁 898

辛一、見師說法眾圍繞，常啼眾等心歡喜

※心即歡喜，譬如比丘入第三禪

《大般若波羅蜜多經》卷 399〈常啼菩薩品 77〉：

身心悅樂，譬如苾芻繫念一境忽然得入第三靜慮。（大正 06，1065, c23-24）

〈89 法尚品〉

頁 905

※曇無竭為何將供養復還與常啼

《大智度論》卷 99〈曇無竭品 89〉：

- 1、曇無竭大智方便，令薩陀波崙大得福德而無所失，是謂上受。薩陀波崙至誠心施，斷諸貪著，不望還得，福德具足。
- 2、曇無竭思惟薩陀波崙遠來而於五欲心不染著，舊人供養為善，是故還與。
- 3、又聞諸女先以身上薩陀波崙，人非財物，欲遂其本意故。
- 4、又是諸女世世為薩陀波崙弟子。如是等因緣故，還與薩陀波崙。（大正 25，748, b21-28）

〈90 囑累品〉

頁 911

戊二、付囑阿難令流通不絕

※阿難得受囑之三因

《大智度論》卷 100〈囑累品 90〉：

- 1、阿難常侍佛左右，供給所須，得聞持陀羅尼，一聞常不失。既是佛之從弟，又多知多識，名聞廣普，四眾所依，是能隨佛轉法輪第三師。
- 2、佛知舍利弗壽短早滅度故不囑累。
- 3、又阿難是六神通、三明、共解脫五百阿羅漢師，能如是多所利益，是故囑累。（大正 25，754, b2-8）